

इवनिंग डोगरी न्यूज़ बुलेटिन

समे 18:15 Hrs

<><><><><><>

Headlines

1. लैफ्टिनेंट गवर्नर मनोज सिन्हा होरें जम्मू-कश्मीर च नशामुक्त भारत अभियान तैहत हासल प्रगति दी समीक्षा कीती।
2. मुखमंत्रि उमर अब्दुल्ला होरें आखेया ऐ जे प्रधानमंत्री नरेन्द्र मोदी हुंदे आसेया सद्दी गेदी बैठक दौरान जरुरी चीजें-बस्तें दी आपूर्ति बना रखने पर चेचा ध्यान केन्द्रित कीता गया।
3. सेहत मंत्री स्कीना इत्तू होरें आखेआ जे सरकार जम्मू-कश्मीर च नशे दी कबैतू आली घटनाएं गी भलेआं घट्ट करने बक्खी ध्यान देआ करदी ऐ।
4. सेना दी उत्तरी कमान आसेआ अज्ज उमधपुर च अलंकरण समारोह दा आयोजन कीता गेआ जेदे च बक्ख-बक्ख श्रेणियें च 93में पुरस्कार भेंट कीते गे।
5. ते जम्मू च कल पैहली-पैहली अंतराश्ट्री मैराथान द्रौड़ दा आयोजन कीता जाहग जेदे च देश - विदेश थमां तकरीबन 4 जहार धावकें दे हिस्सा लैने दी मेद ऐ।

<><><><><><>

LG- Nasha Mukht

उपराज्यपाल मनोज सिन्हा होरें अज्ज लोक भवन जम्मू च इक उच्ची सतह दी बैठक दौरान जम्मू-कश्मीर च नशा-मुक्त भारत अभियान दी प्रगति दा जायजा लैता।

उपराज्यपाल होरें जम्मू-कश्मीर दे नौजवानें गी नशाना बनाने आलें नशीलें पदार्थें दी तस्करी सरबंधत नैटवर्क पर सख्त कारवाई करने दा निर्देश बी दिता। उ'नें आखेआ जे समाज-वरोधी तत्वें आसेआ- नौजवानें गी नशें दी लत आले इक खूह च धकेलने दी कोश्ट कीती जा'रदी ऐ ते असेंगी हर हाल च उसी रोकना होग ते एहदे लेई व्यापक ते सावधानी कन्ने तयार कीती गेदी बहु-आयामी कार्य-योजना दी फौरी तौरा पर लोड़ ऐ।

<><><><><><>

CM-PM Meeting

मुख्यमंत्री उमर अब्दुल्ला होरें आखेआ जे प्रधानमंत्री नरेन्द्र मोदी हुंदे आसेआ कल सददी गेदी बैठक दौरान जरूरी चीजें बस्ते- खासकरिये ईंधन दी आपूर्ति गी बरकरार रखने पर ध्यान दिता गेआ। मुख्यमंत्री होरें दसेआ जे भारत सरकार नै भरोसा दोआया ऐ जे मुख्ये च जरूरी चीजें- बस्ते दी कोई कमी नैई ऐ। उ'नें लोकें गी अपील करदे होई आखेआ जे अफवाहें बक्खी ध्यान नैई देन कीजे एदे चलदे पेट्रोल पम्पें पर लोकें दी बड़ी मती भीड़ दिक्खने गी लब्बा रदी ऐ ते गैस सिलेंडरें दी बुकिंग आस्तै बी लोकें दा रश पौना शुरु होई गेदा ऐ। उ'नें जनता गी भरोसा दोआया ऐ जे घाबबरने दी कोई लोड़ नैई ऐ ते सरकार हर रोज सप्लाई दी स्थिति पर नेइमी तक्क रखा रदी ऐ। उनें अग्गे आखेआ.....

<><><><><><>

CM Border Tourism

मुख्यमंत्री उमर अब्दुल्ला होरें अज्ज विधानसभा गी जानकारी दिती जे सरकार करनाह गी सरहदी सैलसफे आली इक प्रमुख थाहर दे तौर पर विकसित करने दी योजना बना करदी ऐ।

उ'ने रोमांचक ते कुदरत आधारित गतिविधियें लेई करनाह इलाके च मजूद बड़ी मती समर्थ दा हवाला बी दिता। सदन च पुच्छे गेदे इक सोआला दा परता दिंदे होई उमर होरें आखेआ जे करनाह इलाके च ट्रेकिंग- हाईकिंग ते पर्यावरण दे अनुकूल सैलसफा दी बड़ी मती समर्थ ऐ- जेहदा लाह ठोआइयै खिते च सैलसफा ते मकामी अर्थबवस्वथा गी बढ़ावा दिता जाई सकदा ऐ। उ'ने आखेआ जे सरकार करनाह जनेह सरहदी इलाकें दी समर्थ दा लाह ठोआने लेई कम्म करा'रदी ऐ तां जे मकामी बसनीकें लेई कम्म-रोजगार दे मौके पैदा करने दे कन्नो-कन्नी सैलसफा गी बी बढ़ावा दिता जाई सकै। उमर होरें अग्गे आखेआ.....

<><><><><><>

Itoo –Drug Abuse

सेहत ते मैडिकल शिक्षा मंत्री स्कीना इतू होरें अज्ज विधानसभा गी जानकारी दिती जे सरकार दा ध्यान जम्मू-कश्मीर च नशे दी लत गी घटाने पर ऐ नाके छड़ा नशा मुक्ति केन्द्रें दी गिनतरी बधाने पर- मंत्री होरें एह गल्ल अज्ज विधानसभा च नशामुक्ति केन्द्रें दे सरबंधै च विधायक इफ्तिखार अहमद हुंदे आसेया पुच्छे गेदे इक सोआलै दा परता दिंदे होई आखी। उ'ने अग्गे आखेआ जे नशा मुक्त भारत पैहलकदमी दे तैहत पुलस- समाज कल्याण ते होरनें मुतलका धड़ें सब्भै रली-मिलियै जागरुकता ते सलाह-मशवरा सरबंधी पैहलकदमियें गी चला करदे न। इस बारे बोलदे होई मंत्री होरें मंत्री स्कीना इतू होरें आखेआ.....

<><><><><><>

PM-MKB

प्रधानमंत्री नरेन्द्र मोदी होर कल 29 मार्च गी बड्डलै 11 बजे आकाशवाणी पर अपने “मन की बात” कार्यक्रम राए देश-विदेश दे लोकें कन्नै अपने विचार सांझे करगंन।

हर महीने दे खीरी ऐतवार गी प्रसारत होने आहले इस कार्यक्रम दी एह 132मीं किशत होग।
कार्जक्रम दा प्रसारण आकाशवाणी ते दूरदर्शन दे समूलचे नैटवर्क- ए.आई.आर. न्यूज वेबसाईट ते
न्यूज ऑन ए.आई.आर mobile app- डी.डी न्यूज- प्रधानमंत्री हुंदे दफ्तर ते सूचना ते प्रसारण
मंत्रालय दे यू-ट्यूब चैनलें पर बी होग। हिंदी प्रसारण दे तुरंत बाद एहदा डोगरी भाशा च
अनुवाद प्रसारित कीता जाहग।

<><><><><><>

Investiture Ceremony

सेना दी उत्तरी कमान दा अलंकरण समारोह अज्ज उधमपुर स्थित मुख्यालय च आयोजत कीता
गेया। इस समारोह दी प्रधानता उत्तरी कमान दे प्रमक्ख लैफ्टिनेंट जनरल प्रतीक शर्मा हुंदे
आसेआ कीती गई। समारोह दौरान कुल 93 पुरस्कार भेंट कीते गे- जिंदे च 52 व्यक्तिगत तौर
पर ते 41 बक्ख-बक्ख ईकाइयें गी दिते गे। एह ईनाम ऑपेशन सिंदूर सनें बक्ख-बक्ख क्षेत्रें च
सेना दे बहादुरी आहले प्रदर्शन- निस्वार्थ सेवा ते देशभक्ती गी मान्यता दिंदे न। इन्ना गै नैई
एह पुरस्कार भारतीय सेना ते एहदी ईकाइयें आसेआ प्रदर्शत असाधारण बहादुरी- विशिष्ट सेवा
ते कर्तव्यनिष्ठा गी सम्मानित करने लेई समर्पत न। किट्ठे गी सम्बोधित करदे होई सेना
कमांडर होरें पुरस्कार हासल करने आलें दे समर्पन-भाव ते चुनौतीपूर्ण ते मुश्कल हालात च
अपनी ड्यूटी दे प्रति अनत्रुट वचनबद्धता लेई सराहना बी कीती। उनें आखेया.....

<><><><><><>

Govt. Land Alienation

सरकारै 1966 आले अपने हुकम नम्बर S-432 दे तैहत मालकाना हक आली जिमी मुंतकिल करने पर पाबंदी दे सरबंधे च अपनी स्थिति स्पष्ट करदे होई आखेआ ऐ जे एह पाबंदी इस मामले गी नियंत्रित करने आली बुनियादी शर्ते दा इक हिस्सा ऐ। एह जानकारी जल शक्ति मंत्री जावेद अहमद राणा होरें विधायक चन्द्र प्रकाश गंगा हुंदे आसेया पुच्छे गेदे इक सोआला दा परता दिंदे होई सांझी कीती। मंत्री होरें मुखमंत्री उमर अब्दुल्ला हुंदी तरफा सदन गी एह जानकारी दिती। उ'नें दस्सेया जे 3 जून 1966 दी तरीक आले सरकारी हुकम नम्बर S-432 दे तैहत सरकारी जिमी पर रड़ करने आलें गी मालकाना हक दिते गे हे।

<><><><><><>

Jammu Intl Marathon

जम्मू च कल आयोजित होने आली पैहली-पैहली अंतराष्ट्री Half मैराथन लेई सब्बै तयारियां करी लैती गेदियां न। देश-बदेश थमां तकरीबन 4 ज्हार धावकें दे एहदे च हिस्सा लैने दी मेद ऐ। इस आयोजन राहें खेड्ढें सरबंधी सैलसफा दे प्रति जम्मू-कश्मीर दी प्रतिबद्धता गी दर्शाया जा करदा ऐ। जम्मू च पैहली बारी आयोजित होने जा रदी इस हाल्फ मैराथन च 21 किलोमीटर-10 किलोमीटर ते 5 किलोमीटर आलियां द्रौड़ा शामिल होगंन ते जेतुएं गी कुल इक करोड़ 33 लक्ख रुपें दे ईनाम बी बंडे जागंन। इस बारे होर जानकारी देया रदे न आकाशवाणी संवाददाता.....

<><><><><><>

Traffic Advisory

जम्मू ट्रेफिक पुलस नै कल 29 मार्च ऐतवारें बड्डले 5 बजे थमां दिने तकरीबन 11 बजे तगर आयोजित होने आहली जम्मू मैराथन 2026 लेई गड्डियें दी आओ-जाई मतल्लक किश बंदशें बारे इक सार्वजनिक नोटिस जारी कीता ऐ। 21 किलोमीटर- 10 किलोमीटर ते 5 किलोमीटर आली मैराथन द्रौड़ दे रस्तें पर गड्डियें दी आओ-जाई दी खुल्ल नेंई होग। जम्मू ब्हाई अड्डे-रेलवे स्टेशन-साम्बा- कठुआ- नगरोटा ते होरनें इलाकें बक्खी जाने लेई वैकल्पिक रस्ते उपलब्ध करोआए गे न। तवी पुल सनें चौथा तवी पुल बी खुल्ले दा रौहग।

<><><><><><>

Job Fair Doda

रोजगार दे मौके उपलब्ध करोआने दे मकसद कन्ने नौजवानें गी बक्ख-बक्ख स्कीमें बारे शिक्षित करने दे जतनें दे तैहत अज्ज डोडा च इक रोजगार ते उद्यमिता मेले दा सरिस्ता कीता गेआ। इस कारजक्रम दा संचालन जिला रोजगार ते परामर्श केन्द्र आसेया सरकारी डिग्री कालेज डोडा च कीता गेदा हा-जेहदा उदघाटन डोडा दे डिप्टी कमीशनर कृष्ण लाल होरें कीता। उदघाटन मगरा डी.सी होरें मेले च हिस्सा लैने आली कम्पनियें ते मैहकमे आसेया लाए गेदे बक्ख-बक्ख स्टॉलें दा बी निरीक्षण कीता। उनें इस दौरान नौकरियां प्रदान करने आलें ते उद्यमियें सनें नौकरियें दी तलाश च नौजवानें कन्ने बी गल्लबात कीती। आकाशवाणी समाचार कन्ने गल्ल करदे होई डी.सी होरें आखेआ.....

<><><><><><>